

石
湖
詞

石湖詞目錄

滿江紅_四

千秋歲

浣溪沙_七

朝中措_五

蝶戀花

南柯子_三

水調歌頭_二

西江月_二

鵲橋仙

宜男草_二

秦樓月_五

念奴嬌_五

惜分飛

夢玉人引_二

如夢令_二

菩薩蠻_三

臨江仙_二

減字木蘭花_五

鷓鴣天_四

好事近_二

卜算子_二

三登樂_四

浪淘沙

虞美人_四

醉落魄

補遺

醉落魄

朝中措

眼兒媚

霜天曉角

惜分飛

菩薩蠻

滿江紅

謁金門

秦樓月

玉樓春

醉落魄

玉樓春

菩薩蠻

水龍吟

醉江月

醉落魄

霜天曉角

法駕導引

石湖詞

吳郡 范成大 致能

滿江紅冬至

寒谷春生薰叶氣玉簫吹散新陽後便占新歲吉
雲清穆休把心情關藥裏但逢節序添詩軸笑強
顏風物豈非癡終非俗清晝永佳眠熟門外事
何時足且團圓同社笑歌相屬著意調停雲露釀
從頭檢舉梅花曲縱不能將醉作生涯休拘束

又

竹裏行廚來問訊諸侯賓老春滿座彈絲未徧揮
毫先了雲避仁風收雨腳日隨和氣薰林表向尊
前來訪白髯翁衰何早志千里功名光光萬丈
文章耀洗冰壺胸次月秋霜曉應念一堂塵網暗
故將百和香雲繞算賞心情話古來多如今少

又雨後攜家遊西湖荷花盛開

柳外輕雷催幾陣雨絲飛急雷雨過半川荷氣粉
融香過弄蕊攀條春一笑從教水濺羅衣溼打梁
州簫鼓浪花中跳魚立山倒影雲千疊橫浩蕩
舟如葉有采菱清些桃根雙櫂忘卻天涯漂泊地
尊前不放閒愁入任碧簫十丈捲金波長鯨吸

又

罨畫溪山行欲徧風蒲還舉天漸遠水雲初靜枕
樓人語月色波光看不定玉虹橫臥金鱗舞算五
湖今夜只扁舟追千古懷往事漁樵侶曾共醉
松江渚算今年依舊一杯滄浦宇宙此身元是客
不須悵望家何許但中秋時節好溪山皆吾土

千秋歲重到桃花塢

北城南埭玉水方流匯青樾裏紅塵外萬桃春不
老雙竹寒相對回首處滿城明月曾同載分散
西園蓋消滅東陽帶人事改花源在神仙雖可學
功行無過醉新酒好就船況有魚堪買

浣溪沙燭下海棠

傾坐東風百媚生萬紅無語笑逢迎照妝醒睡蠟
煙輕采蠟橫斜春不夜絳霞濃淡月微明夢中
重到錦官城

又

催下珠簾護綺叢花枝紅裏燭枝紅燭光花影夜
蕙龍錦地繡天香霧裏珠星璧月采雲中人閒
別有幾春風

又新安驛席上留別

送盡殘春更出遊風前蹤迹似沙鷗淺斟低唱小
淹留月見西樓清夜醉雨添南浦綠波愁有人
無計戀行舟

又

歛浦錢塘一水通閒雲如幕碧重重吳山應在碧
雲東無力海棠風淡蕩半眠官柳日蕙龍眼前
春色爲誰濃

又元夕後三日王文明席上

寶髻雙雙出綺叢妝光梅影各春風收燈時候卻
相逢魚子棹中詞宛轉龍香撥上語玲瓏明朝
車馬莫西東

又

紅錦障泥杏葉驕解鞍呼渡憶當年馬驕不肯上
航船茅店竹籬開席市絳裙青袂斷薑田臨平
風物故依然

又

白玉堂前綠綺疏燭殘歌罷困相扶問人春思肯
濃無夢裏粉香浮枕簟覺來煙月滿琴書箇儂
情分更何如

春

東風半夜度關山和雪到闌干怪見梅梢未暖情
知柳眼猶寒青絲菜甲銀泥餅餌隨分杯盤已
把宜春鏤勝更將長命題幡

又

身閒身健是生涯何況好年華看了十分秋月重
陽更插黃花消磨景物瓦盆社釀石鼎山茶飽
喫紅蓮香飯儂家便是仙家

又

繫船沽酒碧帘坊酒滿勝鵝黃醉後西園入夢東
風柳色花香水浮天處夕陽如錦恰似鱸鄉中
有憶人雙淚幾時流到橫塘

又

海棠如雪殿春餘禽哢晚晴初倦客長慚杜宇佳
辰且醉提壺逍遙放浪還他漁子輸與樵夫一
棹何時歸去扁舟終要江湖

又

天容雲意寫秋光木葉半青黃珍重西風祛暑輕

衫早怯秋涼故人情分留連病客孤負清觴陌
上千愁易散尊前一笑難忘

蝶戀花

春漲一篙添水面芳草鵝兒綠滿微風岸畫舫夷
猶灣百轉橫塘塔近依前遠江國多寒農事晚
村北村南穀雨纔耕徧秀麥連岡桑葉賤看看嘗
麴收新繭

南柯子

槁項詩餘瘦愁腸酒後柔晚涼團扇欲知秋臥看
明河銀影界天流鶴警人初靜蟲吟夜更幽佳
辰祇合算花籌除了一天風月更何求

又

悵望梅花驛凝情杜若洲香雲低處有高樓可惜
高樓不近木蘭舟緘素雙魚遠題紅片葉秋欲
憑江水寄離愁江已東流那肯更西流

又七夕

銀渚盈盈渡金風緩緩吹晚香浮動五雲飛月姊
妒人顰畫一彎眉短夜難留處斜河欲淡時半
愁半喜是佳期一度相逢添得兩相思

水調歌頭

細數十年事十處過中秋今年新夢忽到黃鶴舊
山頭老子箇中不淺此會天教重見今古一南樓
星漢淡無色玉鏡獨空浮斂素煙收楚霧熨江
流關河離合南北依舊照清愁想見姮娥冷眼應
笑歸來霜鬢空做黑貂裘醺酒問蟾兔肯去伴滄
洲

又燕山九日作

萬里漢家使雙節照清秋舊京行徧中夜呼禹濟
黃流寥落桑榆西北無限太行紫翠相伴過盧溝
歲晚客多病風露冷貂裘對重九須爛醉莫牽
愁黃花爲我一笑不管鬢霜羞袖裏天書咫尺眼
底關河百二歌罷此生浮惟有平安信隨鴈到南
州

西江月

十月誰云春小一年兩見紅嬌人閒霜葉滿庭皋
別有東風不老百媚朝天淡粉六銖步月生綃
雲英寂寞倚藍橋誰伴玉京霜曉

又

北客開眉樂歲東君著意華年遮風藏雨晚雲天
應怕杏梢紅淺不惜燈前放夜從教雪後留寒
水晶簾箔萬花鈿聽徹南樓曉箭
鵲橋仙七夕

雙星良夜耕慵織嬾應被羣仙相妒娟娟月姊滿
眉顰更無奈風姨吹雨相逢草草爭如休見重
攪別離心緒新歡不抵舊愁多倒添了新愁歸去
宜男草

籬菊灘蘆被霜後娟長風萬重高柳天爲誰展盡
湖光渺渺應爲我扁舟入手橘中曾醉洞庭酒
輾雲濤挂帆南斗追舊遊不減商山杳杳猶有人
能相記否

又

舍北煙霏舍南浪雪傾籬雨荒薇漲問小橋別後

誰過惟有迷鳥羈雌來往重尋山水問無恙掃
柴荆土花塵網留小桃先試光風從此芝草琅玕
日長

素樓月

窗紗薄日穿紅幔催梳掠催梳掠新晴天氣畫檐
聞鶯海棠逗曉都開卻小雲先在闌干角闌干
角楊花滿地夜來風惡

又

珠簾狹卷簾春院花園合花園合畫長人靜雙雙
胡蝶花前苦殢金蕉葉替騰午睡扶頭怯扶頭
怯閒愁無限遠山斜疊

又

香羅薄帶圍寬盡無人覺無人覺東風日暮一簾
花落西園空鎖鞦韆索簾垂簾卷閒池閣閒池
閣黃昏香火畫樓吹角

又

樓陰缺闌干影臥東廂月東廂月一天風露杏花
如雪隔煙催漏金蚪咽羅幃暗淡燈花結燈花
結片時春夢江南天闊

又

浮雲集輕雷隱隱初驚蟄初驚蟄鶉鳴鳩怒綠楊
風急玉鑪煙重香羅浥拂牆濃杏燕支溼燕支
溼花梢缺處畫樓人立

念奴嬌

雙峯疊障過天風海雨無邊空碧月姊年年應好
在玉闕瓊宮愁寂誰喚癡雲一杯未盡夜氣寒無

色碧城凝望高樓縹緲西北 腸斷桂冷蟾孤佳
期如夢又把闌干拍霧鬢風鬟相借問浮世幾回
今夕圓缺晴陰古今同恨我更長爲客嬋娟明夜
尊前誰念南陌

又

十年舊事醉京花蜀酒萬葩千萼一棹歸來吳下
看俯仰心情今昨強倚雕闌羞簪雪鬢老恐花枝
覺揩摩愁眼霧中相對依約 聞道家譙團圓光
風轉夜月傍西樓落打徹梁州春自遠不飲何時
歡樂沾惹天香留連國豔莫散燈前酌襪塵生處
爲君重賦河洛

又

吳波浮動看中流翻月半江金碧醉舞空明三萬
頃不管姮娥愁寂指點瓊樓憑虛有路鯨背橫東
極水雲飄蕩闌干千丈無力 家世回首滄洲煙
波漁釣有鷗夷仙迹一笑閒身遊物外來訪扁舟
消息天上今宵人閒此地我是風前客濤生殘夜
魚龍驚聽橫笛

又

水鄉霜落望西山一寸脩眉橫碧南浦潮生帆影
去日落天青江白萬里浮雲被風吹散又被風吹
積尊前歌罷滿空凝淡寒色 人世會少離多都
來名利似蠅頭蟬翼贏得長亭車馬路千古羈愁
如織我輩情鍾恩恩相見一笑真難得明年誰健
夢魂飄蕩南北
又和徐尉遊石湖

湖山如畫繫孤篷柳岸莫驚魚鳥料峭春寒花未
徧先共疎梅索笑一夢三年松風依舊蘿月何曾
老鄰家相問這回真箇歸到 綠鬢新點吳霜尊
前強健不怕衰翁號賴有風流車馬客來覓香雲
花鳥似我羣豪不通姓字只要銀瓶倒奔名逐利
亂帆誰在天表

惜分飛

易散浮雲難再聚遮莫相隨百步誰喚行人去石
湖煙浪漁樵侶 重別西樓腸斷否多少淒風苦
雨休夢江南路路長夢短無尋處

夢玉人引

送行人去猶追路再相覓天末交情長是合堂同
席從此尊前便頓然少箇江南羈客不忍恩恩少
駐船梅驛 酒斟雖滿尙少如別淚萬千滴欲語
吞聲結心相對嗚咽燈火淒清笙歌無顏色從別
後儘相忘算也難忘今夕

又

共登臨處飄然袂倚空碧雨卷雲飛長有桂娥看
客簫鼓生春徧錦城如畫雪山無色一夢纔成況
天涯南北 舞餘歌罷料宣華回首盡陳迹萬里
秦吳有情應問消息我欲歸耕如何重來得故人
若望江南且折梅花相憶

如夢令

罨畫屏中客住水色山光無數斜日滿江聲何處
撐來小渡休去休去驚散一洲鷗鷺
又

兩兩鶯啼何許尋偏綠陰濃處天氣潤羅衣病起
卻忒微暑休雨休雨明日榴花端午
菩薩蠻

小軒今日開窗了揉藍染碧綠塔草檐佩可憐風
杏梢煙雨紅飄零歡事少鬢點吳霜早天色不
愁人眼前無限春

又元夕立春

雪林一夜收寒了東風恰向燈前到今夕是何年
新春新月圓綺叢香霧隔猶記疎狂客留取縷
金幡夜娥相並看

又

黃梅時節春蕭索越羅香潤吳紗薄絲雨日朧明
柳梢紅未晴多愁多病後不識曾中酒愁病送
春歸恰如中酒時

臨江仙

羽扇綸巾風嫋嫋東廂月到薔薇新聲誰喚出羅
幃龍鬚將笛繞鴈字入筆飛陶寫中年須箇裏
留連月扇雲衣周郎去後賞音稀爲君持酒聽那
肯帶春歸

又

萬事灰心猶薄宦塵埃未免勞形故人相見似河
清恰逢梅柳動高興逐春生卜晝恩恩還卜夜
仍須月墮河傾明年我去白鷗盟金閨三玉樹好
問紫霄程

減字木蘭花

玉煙浮動銀闕三山連海東翠袖闌干不怕樓高

酒力寒雙松凍折忽憶衰翁容易別想見鷗邊
壓損年時小釣船

又

折殘金菊橙子香時新酒熟誰伴芳尊先問梅花
借小春道人破戒染酒題詩金鳳帶愁病相關
不似年時酒量寬

又

波嬌鬢嫋中隱堂前人意好不奈春何拚卻輕寒
透薄羅翦梅新曲欲斷還聯三疊促圍坐風流
饒我尊前第一籌

又

枕書睡熟珍重月明相伴宿寶鴨金寒香滿圍屏
宛轉山雞人聲杳瑤井玉繩相對曉黯淡窗紗
卻下風簾護燭花

又

臘前三白春到西園還見雪紅紫花遲借作東風
萬玉枝歸田計決麥飯熟時應快活身在高樓
心在山陰一葉舟

鷓鴣天

休舞銀貂小契丹滿堂賓客盡關山從今嫋嫋盈
盈處誰復復端端正正看模淚易寫愁難瀟湘江
上竹枝斑碧雲日暮無書寄寥落煙中一鴈寒

又

蕩漾西湖采綠蘋揚鞭南埭滾紅塵桃花暖日茸
茸笑楊柳光風淺淺顰章貢水鬱孤雲多情爭
似桂江春崔徽卷軸瑤姬夢縱有相逢不是真

又

嫩綠重重看得成。曲闌幽檻小紅英。醉醺醺架上蜂兒鬧。楊柳行閒燕子輕。春晚晚客飄零殘花淺。酒片時清一杯且買明朝事。送了斜陽月又生。

又雪梅

壓蕊沾鬚粉作團。疎香辛苦顛朝寒。須知風月尋常見。不似層層帶雪看。春髻重曉眉彎。一枝斜並縷金旛。酒紅不解東風凍。驚怪釵頭玉燕乾。好事近

雲幕暗千山。腸斷玉樓金闕。應是高唐小婦。妒姮娥清絕。夜涼不放酒杯寒。醉眼漸生。纔何待桂華相照。有人人如月。

又

昨夜報春來的。喚嶺梅開。雪攜手玉人同賞。比看誰奇絕。闌干倚徧。憶多情怕角聲嗚咽。與折一枝斜戴。襯鬢雲梳月。

卜算子

涼夜竹堂虛。小睡忽醒銀漏無聲。月上塔滿地。闌干影。何處最知秋。風在梧桐井。不惜驂鸞弄。玉簫露溼衣裳冷。

又

雲壓小橋深月。到重門靜冷。蕊疎枝半。不禁更著橫窗影。回首故園春往事。難重省。半夜清香入夢來。從此熏鑪冷。

三登樂

一碧鱗鱗橫萬里。天垂吳楚。四無人。鷓鴣聲自語向

浮雲西下處。水村煙樹何處。繫船暮濤漲浦。正江南搖落。後好山無數。儘乘流興來。便去對青燈。獨自數。一生羈旅。敲枕夢寒。又還夜雨。

又

路轉橫塘。風卷地。水肥帆飽。眼雙明。曠懷浩渺。問莢裘無恙否。天教重到。木落霧收。故山更好。過溪門休蕩槳。恐驚魚鳥。算年來識翁者。少喜山林蹤迹。在何曾如掃。歸鬢任霜。醉紅未老。

又

今夕何期。披岫幌。雲關重啓。引冰壺素空。似洗卷簾中。鼓枕上月星浮。水天鏡。夜明半窗。萬里盼庭柯。都老大。樹猶如此。六年前。轉頭未幾。喚鄰翁來。話舊同。簞新蟻。秉燭夜闌。又疑夢裏。

又

方帽衝寒。重檢校。舊時農圃。荒三徑。不知何許。但姑蘇臺下。有蒼然平楚。人笑此翁。又來訪古。況五湖元自有。扁舟祖武。記滄洲白鷗。伴侶數年來。孤負了一蓑煙雨。寂寞暮潮喚。回棹去。

浪淘沙

黯淡養花天。小雨能慳。煙輕雲薄有無閒。官柳絲絲都綠。徧猶有春寒。空翠溼征鞍。馬首千山多。情若是。肯俱還。別有玉杯承露。冷留共君看。玉杯

官舍中杜丹絕品也

虞美人 寄人覓梅

霜餘好採梅消息。日日溪橋側。不如君有似梅人。歌裏工顰妍笑。兩眉春。疎枝冷蕊風情少。卻稱

又
衰翁老從教來作靜中鄰冷淡無言無笑也無顰

落梅時節冰輪滿何似中秋看瓊樓玉宇一般明
只爲姮娥添了萬枝燈錦江城下杯殘後還照
鄧江酒天東相見說天西除卻衰翁和月更誰知
又

玉簫驚報同雲重仍怪金瓶凍清明將近雪花翻
不道海棠消瘦柳絲寒王孫沈醉絨氈幕誰怕
羅衣薄燭燈香霧兩厭厭鬢有人愁損上眉尖
又紅木犀

誰將擊碎珊瑚玉裝上交枝粟恰如嬌小萼瓊妃
塗罷額黃嫌怕汚燕支夜深未覺清香絕風露
溶溶月滿身花影弄淒涼無限月和風露一齊香
醉落魄元夕

春城勝絕暮林風舞催花發垂雲卷盡添空闊吹
上新年美滿十分月紅蘂影下句絲抹老來牽
強隨時節無人知道心情別惟有蛾兒驚見鬢邊
雪

石湖詞校記

浣溪沙 錦官城 鮑本官作宮

又四官柳 鮑本官作宮

朝中措 鏤勝 鮑本鏤作鏤

又四禽哢 鮑本哢作弄

水調歌頭 二盧溝 鮑本盧作蘆

西江月 鮑本上結注云一作雲英此夕度藍

橋人意花枝都好下結注云一作人閒霜葉滿

庭舉別有東風不老按陳三聘和詞第三四七

八句用饒好高老四韻並不盡合

宜男草 二雪傾籬 鮑本雪作雲

減字木蘭花 王繩 鮑本繩作人

鷓鴣天 卷軸 鮑本軸作袖

三登樂 暮潮 鮑本作潮暮

虞美人 夜深 鮑本夜作日

法駕導引 按是調首句宜疊疑蘆浦筆記誤脫

右石湖詞一卷附補遺半塘翁手校知不足齋

本乙巳夏閒寄余粵東翁旋歸道山以未詳所

據久度歷衍去年吳伯宛以鮑涿飲原鈔本見

示其誤與刊本同履檢翁校精審無可疑豈出

舊本耶遂付剞氏以補四印齋叢刻之所未逮

云原鈔詞後有小齊雲江立跋首闕滿江紅詞

亦江氏手錄補遺僅九闕刊本玉樓春以下八

闕殆涿飲輯也宋劉昌詩蘆浦筆記載白玉樓

賦道君皇帝親灑宸翰於圖後石湖跋有法駕

形容高妙必夢遊帝所者彷彿得之非世間俗
史意匠可到隨筆淨几盡展玩悅然便覺身
在九霄三景之上簡齋集有永解法駕導引曲
乃倚其體作步虛詞六章羽人有不俗者使歌
未得仙亦足以豪矣今併附卷尾癸丑上巳歸
安朱孝臧跋於無著庵

愛日精蘆藏書志云滿江紅第二闕脫始生之
日丘宗卿使君攜具來爲壽坐中賦詞次韻謝
之二十二字按宗卿滿江紅壽石湖詞正同其
韻又云三聘和醉落魄元夕詞欲知此夜碧天
闌下脫一葉據目錄尚有醉落魄唱和兩闕眼
兒媚唱和兩闕末葉何人爲我丁寧驛使來到
江干蓋眼兒媚和詞尾句據此知石湖與陳夢
徵詞唱和相閒原編爲一卷補遺眼兒媚非夢
徵韻所輯殆尙未盡也癸丑四月朔上彊邨人
再記

石湖詞校記二

滿江紅二題 情話 毛鈔題同愛日精廬藏書

志情作清

南柯子三疊畫 毛鈔畫作盡

水調歌頭二莫牽愁 毛鈔牽作牢

西江月一上下結竝同鮑注

秦樓月三日穿紅幔 毛鈔作日紅穿幔

又二春院 毛鈔春作西

念奴嬌二春自遠 毛鈔遠作透

夢玉人引一從別後 毛鈔從作縱

又二飄然袂 況天涯 毛鈔然作風況作悅

菩薩蠻二夜娥 毛鈔娥作蛾

鷓鴣天三且買 毛鈔買作置

松江韓氏讀有用書齋藏毛子晉鈔本石湖詞

曹君直校舉若干條取其可從者記而刊之孝

臧

石湖詞補遺

醉落魄

樓鳥飛絕絳河綠霧星明滅燒香曳簾眠清樾花影吹笙滿地淡黃月好風碎竹聲如雪昭華三弄臨風咽鬢絲撩亂綸巾折涼滿北窗休共軟紅說

朝中措

長年心事寄林扃塵鬢已星星芳意不如水遠歸心欲與雲平留連一醉花殘日永雨後山明從此量船載酒莫教閒卻春情

眼兒媚

萍鄉道中乍晴臥輿中因甚小憩柳塘

酣酣日腳紫煙浮妍暖試輕裘困人天氣醉人花底午夢扶頭春慵恰似春塘水一片縠紋愁溶溶洩洩東風無力欲皺還休

霜天曉角梅

晚晴風歇一夜春威折脈脈花疎天淡雲來去數枝雪勝絕愁亦絕此情誰共說惟有兩行低鴈知人倚畫樓月

絕妙好詞見

惜分飛

飛南浦舟中與江西帥漕酌別夜後忽大雪

畫戟錦車皆雅故簫鼓留連客住南浦春波暮難忘羅襪生塵處明日船旗應不駐且唱斷腸新句卷盡珠簾雨雪花一夜隨人去

菩薩蠻

湘東驛

客行忽到湘東驛明朝真是瀟湘客晴碧萬重雲幾時逢故人江南如塞北別後書難得先自鴈來稀那堪春半時

滿江紅

清江風帆甚快作此與客劇飲歌之

千古東流聲卷地雲濤如屋橫浩渺檣竿十丈不勝帆腹夜雨翻江春浦漲船頭鼓急風初熟似當年呼禹亂黃川飛棹速

擊楫誓空驚俗休拊髀都生肉任炎天冰海一杯相屬荻簑蓑芽新入饌

鷗紋鳳吹能翻曲笑人閒何處似尊前添銀燭

謁金門

宜春道中野塘春水可喜有懷舊隱

塘水碧仍帶麴塵顏色泥泥縠紋無氣力東風如愛惜恰似越來溪側也有一雙鸂鶒只欠柳絲千百尺繫船春弄笛

秦樓月

寒食日湖南提舉胡元高家席上聞琴

湘江碧故人同作湘中客湘中客東風回鴈杏花寒食溫溫月到藍橋側醒心絃裏春無極春無極明朝殘夢馬嘶南陌

絕妙好詞見花

玉樓春

梅花

佳人無對甘幽獨竹雨松風相澡浴山深翠袖自生寒夜久玉肌元不粟卻尋千樹煙江曲道骨仙風終絕俗絳裙縞袂各朝元只有散仙名萼綠

醉落魄

海棠

馬蹄塵撲春風得意笙歌逐款門不問誰家竹只揀紅妝高處燒銀燭碧雞坊裏花如屋燕王宮下花成谷不須悔唱關山曲只爲海棠也合來西蜀

玉樓春

牡丹

雲橫水繞芳塵陌一萬重花春拍拍藍橋仙路不崎嶇醉舞狂歌容倦客真香解語人傾國知是

紫雲誰敢覓滿蹊桃李不能言分付仙家君莫惜
菩薩蠻木芙蓉

冰明玉潤天然色淒涼拌作西風客不肯嫁東風
殷勤霜露中綠窗梳洗晚笑把玻璃殘斜日上
妝臺酒紅和困來以上四闕見全芳備在

水龍吟壽留寺

仙翁家在叢霄五雲八景來塵表黃扉紫闥化鈞
高妙風霆揮掃漠北寒煙嶠南和氣笑談都了自
玉麟歸去金牛再款卻回首人閒少天與丹臺
舊籍笑蒼生祝公難老春葩秋葉暄寒易變壺天
長好物外新聞鳳歌鸞翥龍蟠虎繞想知心高會
寒霜夜永儘橫參曉右一闕見全書

醉江月嚴子陵釣臺

浮生有幾數歡娛常少憂愁相屬富貴功名皆由
命何必區區僕僕燕蝠塵中雞蟲影裏見了還追
逐山閒林下幾人真箇幽獨誰似當日嚴君故
人龍袞獨抱羊裘宿試把漁竿都掉了百種千般
拘束兩岸煙林半溪山影此處無榮辱荒臺遺像
至今嗟詠不足右一闕見全書

醉落魄

雪晴風作松梢片片輕鷗落玉樓天半寒珠箔一
笛梅花吹裂凍雲暮去年小獵灘山腳弓刀溼
徧猶橫槊今年翻怕貂裘薄寒似去年人比去年
覺

霜天曉角

少年豪縱袍錦團花鳳曾是京城遊子馳寶馬飛

金甃舊遊渾似夢鬢點吳霜重多少燕情鶯意
都瀉入玻璃簾以上二闕見全書

法駕導引步虛詞

琳霄境卻似化人宮梵炁彌羅融萬象玉樓十二
倚晴空一片寶光中

又

浮黎路依約太微閒雪色寶階千萬丈人閒遙作
白虹看幢節度高寒

又

剛風起背負玉虛廷九素煙光寒一色扶闌四面
是青冥環拱萬珠星

又

流鈴響龍馭籥雲來夾道華籠綵仗紅雲扶輅
輶天街迎駕鶴毳毼

又

鈞天奏流韻滿空明琪樹玲瓏珠網碎仙風吹作
步虛聲相和八鸞鳴

又

樓闌外輦道插非煙閒上鬱蕭臺上看空歌來自
始青天揚袂揖飛仙以上六闕見全書